

國之乘史也家之系譜也其揆一也國而無史難以記事家而無譜難以叙族然則譜也者其所重自別而不可無也且各姓修譜之盛未有甚於時者而惟獨吾宗闕焉吁其恨也夫我蛇山之趙自來無譜譜始於己未而有諱有善重陽元國諸氏殫誠修印然猶頗放夫亦多闕略伊後百有餘年仍無以輯成改刊焉孤常懷改刊譜牒之志而未就者久矣壬寅歲首孤與從姪秉珩確定譜議嗚呼不幸珩即喪逝孤亦有事仍爲廢置翌年癸卯秋孤又決志牢議發通于畿甸湖海諸宗人所在處無不樂其從者矣於是乎定有司鳳禹秉夏乘璫漢英麟植永攢斗煥派送于各處以爲收單而鳳禹麟植斗煥之功居多在醇

贊助之功亦多焉譜單既合而孤乃忘其孤陋採而輯之間付  
已意廣加校正一準已未譜例而添略刪潤以成一編仍為入  
印孤極知僭踰無所逃罪然其於敦宗合族之誼追先啓後之  
道未必無少補云

光武甲辰正月庚子尚禹謹序未始管人矣壬寅歲首

己未舊序

程子以明譜系為收宗族厚風俗之本近世此法盛行殆家家  
有之而吾宗闕焉豈不甚慨然也哉乙卯秋予在金馬郡請西  
原宗人元國議之則君奮然焉已任遍往圻湖及海西宗人所  
居處收取閱五箇春秋矣己未夏予罷官家居鎮川宗人重陽  
氏委來鄙所更加彙括合成一編仍為入印總略千件矣竊惟

我趙氏之貫稷山自漢成帝鴻嘉三年迄今二千年中間文獻無徵系譜失傳姑從所知更修述並收諸宗各成一派此亦譜牒之一變例也凡我諸宗毋以不繼遠祖而忽之拱壁謹守傳之後裔則其於尊祖收族之義豈不少補云乎哉

崇禎紀元後三已未孟夏下浣通訓大夫琚山郡守有善序

壬戌舊序

己譜成後四年此序成故至乃入印

河南伯之後裔伯孝甫請譜序不獲辭謹述云近世為氏族學者輒曰某姓為顯姓蓋以簪組奕鳥闕閱繁綿為其品藻也夫姓之顯也存乎人豈但清官膺仕世卿世宰之謂哉忠臣孝子烈女以卓行偉節蔚然為鄉黨之望自鄉黨而達於公朝則雖祿位不備斯為顯人也余觀趙氏譜何其盛也郡守英圭由武

舉任梁山萬曆壬辰倭寇大至公聞釜山陷節制使鄭公撥死  
之泉谷宋公彖賢為東萊伯死守孤城公慨然泣訣其老母  
騎馳赴於萊則圍已急矣公遂大呼突圍入城與宋公誓死同  
守及城陷同日死之處士以梁山公之子受父命奉祖母歸長  
城故里匿其祖母聞萊府陷既絕而甦遂徒步往至則積尸盈  
城未克收骸但招魂而歸祥禫既畢復啜粥泣血土室入處不  
見天日積二十年竟死其中同春宋先生嘗以處士父子實蹟  
達言于朝旋其閭湖之士慕其節行脩享徐節孝之祠院學  
生應斗之妻柳氏也當丁酉倭亂從其夫奔竄見執於賊賊露  
白刃劫之柳氏罵賊不屈而死事聞又旋之學生與梁山為疏  
冑第也嗚呼烈哉一門三綱大節備矣此世家巨室之所罕有

將為百世之顯人也豈直一譜之顯人哉若大雅君子定其品  
藻則吾知趙氏之列於顯姓也趙氏貫稷山咸祖河南伯成河  
南百濟開國功臣也傳三世而失其譜以後孫系焉世緒既遠  
文獻無徵則闕其所不知而略之者諸家譜例然也後孫之上  
系三世凡八人按已譜則擢年希瑄三派別為列錄故凡八人至乃三派合錄於閣門公下而舉為五派其  
子孫至于今十四五世世繼書昭穆秩然有序斯為難也前  
郡守有善前叅奉有憲皆好士也兄弟以讀書修行聞蔭叙伯  
為玠山仲為寢郎玠山主張譜事將梓行譜凡二編譜所以正  
昭穆以章倫也玠山伯仲嘗以禮法自飭譜既成與諸宗講韋  
氏花樹之會先將宗子法治其族昭與昭齒穆與穆齒明其尊  
祖敬宗之義則譜於是異乎世俗之譜也然後以孝悌忠信感

發其秉彝好德之性則趙氏之門庶幾顯人之輩出也云

皇明崇禎三回壬戌三月日正憲大夫禮曹判書黃昇源序

重刊族譜通文

右文為通諭事修畢印譜敦宗合族之急務也追先啓後之大  
關也夫我蛇山之趙遠自鼻祖以來世代中絕譜系不傳莫之  
追考者不謹修譜之致也豈不大可懼而可警者哉且近年各  
姓修譜之盛良有以也而謹見璿源修譜之規則

皇勅鼎重雖遐土殘宗一無所漏者蓋其敦睦之盛意特出  
於尋常萬萬顧吾民庶敢不効則之哉然而吾宗獨不焉然甚  
庸悶歎茲以另定規模略又條列派送有司通告遠邇伏願僉  
宗覽通後修畢收錢自該宗中別定有司不日送來于譜所以

爲經紀之地幸甚

光武六年壬寅正月日尚禹敬文

稷山趙氏族譜卷之一

始祖趙成于俊連

百濟開國功 百濟大將軍

臣大將軍封

河南伯

墓稷山郡蛇

山東麓西坐

京每年十月

二日行祀大匡輔國議政

府議政尹容善撰碑銘

一世

元祐

同

子彥良

高麗中直大

夫閣門祗候

使

配都夫人寧

越嚴氏父謹

寶門閣大提

二世

子邦霖

高麗匡靖大

夫門下評理

配都夫人順

興安氏父千

瑞通禮門祗

使祖文凱

子立冲

百濟大將軍

○此下世數

未詳而有後

孫元祐元慶

復元永元應

元五派

三世

子光甫

本朝世祖乙

友佐翼功臣

資憲大夫戶

曹判書

配貞敬夫人

陽川邊氏

後孫元祐

閣門祗候使

後孫元慶

同

後孫復元

兵部郎中

後孫永元

地

後孫應元

門下侍郎

太子詹事

嘉善大夫兵

曹參判

配貞夫人全

義李氏

五世

子完球

大護軍

子完璧

司正

六世

子景漢

黃



稷山趙氏族譜跋

商之孫子箕之裔受姓趙兮貫稷山稽古二千嗟久泯紀年百  
六敢增刪能友睦仁從此後有忠孝烈出其間一編五派斯為  
盛第祿何嫌少且辱

光武甲辰季夏下浣尚禹謹跋

趙氏之系遠源於殷肇自箕聖之都平壤其宗親乃受姓為箕  
而及夫衛滿之亂箕氏奔竄有一人以圖生之計變箕為趙歷  
世至河南伯趙公諱成以百濟溫祿開國元勳封是爵凡趙氏  
之受籍於稷山者以河南公為鼻祖而年代寢遠文獻無徵三  
世而失其緒逮至中葉傳是姓者有五曰閭門祗侯使諱元祐  
日兵部郎中諱元慶日門下侍郎諱復元日太子詹事諱永元

曰軍資監正諱應元厥後子孫派分支別今皆數十世各有昭穆之序次昭昭可考而廣州府尚禹氏以慕先之誠睦族之誼哀成譜牒入梓廣印溯而稽其本源之所自出降而辨其系派之所由分尊祖之心切而敦宗之義篤雖於分銅之剩不私於己有是哉若人功訖而屬余跋其尾辭不獲已遂為之著  
甲辰流火吉朝通政大夫秘書院丞趙漢復跋

光武八年甲辰秋七月上澣廣州遁村洞開刊